

Eretriyah doolatih xukko kee rabak kudak suge qunxxaaneyti Gital-Bakaarah Rooci keenik yewqem tontobbe.

Eretriyah doolatih xukko kee rabak kudak suge qunxxaaneyti Gital Bakaarah Rooci keenik yewqem tontobbe. asaaku, tiiqook camad qeela culam niyaatak suge qunxxaa,neytak nammay,bakaarah raben. 2 num loowiten rike gufe kal gital bakaarah rabeenim too darifaak nee gufe xaagi yascasse. Rabtem gannageyo,acmad qali amiin, kee Aboobakar Edris kinnim kee Macammed qarkeefar muusa, Uma roocil camad qeela gufem warsen.

Eretriyah isi baaxo cabba haytah kuddah tan ummattak ayrol 100 itiyopiya culam qaalamak catch eglali naharsi sanat qaddosse. Eretriya Itiyopiyak baxsimma inteh isi doolat tekkeemiiy, takkeh baaxoh abbah yan Isiyyas afwerki Dimokraasiiy, adam baxi cakki kee Shiqbi isih elle faxannal xissiiimam Moggolonna. Away qusbih yewqe xaaguh isiyyaas afwerki baaxo cabba haytah xabboh tawqeh tan eretriyah xaylo tabissah tan koblayittet angaaraw leemih digga kaak tan axcuk afa baaxol geytimta eretriyah xaylo baxsa le anggoyya qimbisseh geytimta. Eretriyah xaylo tatreh yan 25 sanatah sinni baaxo cabak awropa culoonuh aban gexot badat rabtaamaay, rusasat rabtam kee Baxaa baxsa le baaxol casbi gadda akkuk geytiman.

ERITREA DESERVES BETTER



Tamannah tan taqabittek addak awquk Awroppaay, Israa'il kee baxaabaxsa le baaxooxa culteh geytimta eretriyah xaylo Isiyyas afwerki Reeda cabuh qaalam caddol saciicitte (Ferma) gaboyssiyyih anggoyya qimbbiseenih geytiman. Tama saciic gaboyssiyyih anggoyya Gexsiisah yan mari elle iyyannal Isiyyaas afwerki tatreh yan 25 sanatah isi ummattal baaheh yan taqabi baxxaqiseenih yaniinim kee tama baxxaqiseenih yanin taqabik tiyak teynàh daffeyseenim isiyyaas afwerki baaxo cabba haytah xabboh Gexxah tan eretriyah xaylo tabissah tan koblayitte luk sirri anggaaraw haak tuxxiqit gabah agle luk sugeemih digga kaak lino axcuk qaddoysen. Isiyyaas afwerki eretriyah xaylol baaha ceele wayto inkih kaxxa baxsa sittak alle waytam takkay immay, kaxxaam biyaakitta ummattak tiyak teynah tanim Qafàr ummattà kinnim baxaa baxsa le gitaak taturte 25 sanootah addat tumbulleh tan numma kinni. Eretriyaak itiyopiya fan cultah tan eretriah xabboh xiinak qafar tiyak teyna kinnim kee gital yamaaten waqdi manggo taqabitte ken guftam Tumbulle. Ceelalloh xayii Agda baxisso (April) Alsak 12/2016 ih gital bakaarah rabeh yan qunxxaaneyti kaxxa ceelallo yakkem duuda.

Eretriyah addal manggoh yan qunxxaaneyti casbit boodoh addat geytimam baaxoh addak tawqe xaagitte tascasse. Taturte tan 25 sanootah addat HIGDEF xinto Qafàr qunxxaaneyta dirkih qaskariyyooy, qidim kee casbi gadda abtem kee baaxo cabsissem tekke iyyan. AIC Majallat digga akak alle waytam takkay immay, taturte sanootah addat 2000 iik amo yakke qafar qunxxaaneyta casbit heniih, 38 yakke qunxxaaneyta gira keenil fakka heenih qideniih, booliyaatal loowima qunxxaaneyta dirki qaskariyyoh kulli sanat beyaanam kee alafaatal loowima qunxxaaneyti Xabboh baxaabaxsa le baaxo culem warsan. Tatreh yan sanat 2015 elle cabot Awroppah inkittiino eretriyah doolatah 2 miliyoonih € yeceenim warseenih sugen. Eretriyah tama cato akah tekkeh sugtem baaxoh addal dgaoom xinto meqaaneh missos abak xabboh yawqeh yan mara baaxoh addal elle raaqisan gurra bicsaanam kee dirki qaskariyyoh waado abaanamak tenem kassitna. Tanay takkay immay eretriyah doolatah cato abaanam qaalamak adam baxi cakki eglali kee afa baaxol geytimta Eretriyah xabboh xiina sadak sugtem kassitna. Isiyyaas afwerki kay cuggane akah abtannah dirab dooro kee qado mara edde duquurusa dimokraasi oggole weem nublehik qaalam isiyyaas caylat reedak kalla heeh qusba abba kee xinto baahalem maay celta ?

Qasa moltà Qafàrak Kaxxa kacnoyta!



Dr Enid Parker (Qasa Moltà)

Dr Enid Parker deqsitak sugte. A adduniya nammannal tan. 1 Tanih 2 teneh, Dr Enid Parker asaaku Matanamay Sugteeh, beera nek raaqu duuda migaq le taama Qafàrah abte kaxxa agiro kinni. Qasa molta teetih axcuk sugen. Is kaaduk qasà moltàl teetih secaanam kicinuk sugte teetik iyyan xaynal tet yaaxige mari. Qasa molta Qafàr afih diifuk sugte iyyan kaaduk taama xaynal teetik yaaxige mari. Qasa molta Qafàr afah manggom xiqteeh, eddeey, Qafàr ummattah addal luk sugte mano elle baxxaqisseh *tan Yi Mano Qafàr Ummattàh addal* Axcuk tuktube kitaabal Qafàr kee Qafar afah abte taama kee taqabi dubuk hinnay Qafàr af kee Qafàr ummattah le kacanu elle tuybulle kitaabak sugte.

Yanna Qasà molta afrikah gaysal tekkekiiy baad caddol tekkek Qafàr ummattah baxsa luk afti caddol kaxxa fayu tekkeeh, kaxxa doori digirtem teetik Warsan.


Dr Enid Parker (Qasa Moltà) Naharaak sanat 1970 uh Qasa bad fan haysitteek lakal naharsi addah Qafàr af *Kushtik* afittet akah yangalennih kusaq abte agiro kinni.

Tah dubuk hinnay, Dr Qasa Moltà Qafàr af baritta hayteeh, firissaah, kaawisak tenem kee 6 alsa kee 5 alsih addat qafar af baritta hayteh meqennah kawisak teneemit teetik yaaban.

Dr Enid Parker (Qasa Moltà) tohuuk lakal Qafar af kee Ingiliizih Afaay, Qafàr af kee Faransaawih afih Maysarraqa (**Dictionary**)

Tuktubeeh Qafàr afat dadalte afitteh Maysarraqah ayfaf geyaanamal kaxxa doori digiru duudem warsan.

Sarrak kaaduk sanat 2016 ih 13 ,000 ih Qanggarà elle tan maysarraqa Aracat hayteh cabtem Warsan. Qasa molta agda baxissoh alsah 2016 ih ta addoniyak elle cabo safarah baxsimte. Qasa Moltà Qafàr afah xiqtem Waginneek tet aydaadi amahat maaydiya immay, Qafàr oytih fanteenà kulli alsa tayyaaqeh tan AIC Majallat **Dr Enid Parker (Qasa Moltàk** Manoh aydaadu baar luk xayyosnuh abne gibbati nel bice weemih qafu esserra !



Sayyo salot Qafàr Addal qaadà kee Qibaada inkih akkalukuuy, Sharaf kee hadafah haysitak manggoh tan daboonah Qafàr sayyoh qaafiyatal digirak sugem temixxigeek lakal sayyo salot raaquh Doolataay, Qaafiyat Mixigwa'a kee Diini Mirocti sittalluk gacak inkim kak axcuk Salot raaqay iyya mara kee Diini caddol Sunna kinniimih sabbatah qafàr elle abak sugtenna hinnay elle yakkem faxximtanni yan axcuk taturteh tan 10 kee tu sanootah addat baxsa le anggooyyi akah yekke. Baadal taysabbiiy, Qaafiyat fantenaani kee Salot solissuh kah xissimte eglaalih gitaak, manggo macal akah yekke. Axigeh meqeemih Sayyo Salot dubuh Qafàr Qaadà hinnay, Manggo baxooxal yakkeeh, baxsa luk Afrikaay, axcih Afrikah gaysal lafitam qaalam caddol



Tamahat taamitta tu taaxago tascasse. Qafàr elle tan sidiicà baaxok Eretriyay, Qaalam tuxxiq kee oytik alifut tani kak cabba hayna wak Itiyopiya kee Yabuutil sayyo salot raaquh manggo anggooyyay qaalam Xaqut akak solla iyye yekkem takkay immay Salot masoolinna !

Macah ?

Ta esserok gacs elle abtam gibbatta filmi tuktubeeh, bicisseeh, aybulluk geytimta Giftà Qeysha Macammad Roble elle intannal salot abtaah absissam dubuh agbu kinnim kee labha xaagu akak alle waytam elle taybullem gibbatta filmi agda baxisso (april) alsak 22 at yemeete gumqaatah beljiikak buruksel manddaral tuybulle. Giftà Qeysha 1 saqataak daga yakke filmiy Farnsaawih afat Tuktubeeh,, Qafar af kee Soomalih afat krisseeh tani kalah manggo baaxol taybullem loowittam AIC teetik abte xaagul tiysixxige.

Qafar Maro (Afar Forum) Daffeynà Sanat 2016 ih Maca Celtaah ?

Afar Forum ul Tamixxige Qafar Maroh Egla kulli lamma liggidal gexissa qaalam caddoh daffeynà A' sanat Waysi alsak 02-4 fan Beljiikak Buruksel Mandaral gexsitelem yiysixxigen.

Qafar maro asanat gexissu wayta kobox Wagsisaak kobox elle yakku waa ammunta kee elle yakku waannak baar le addafakoot le ammunta Ingiliizih afaay, Faransaawih af kee Qafar afat Qafar Maroh wibsitiil yeyyeeqen kobox maysaxxagak qafar afih exxa ahaak gubal AIC majallatak asaaki mawqal Siinih rubnam dorre.

Qafar maro sanat 2016 ih waysi alsak 02-04 fan gexissu wayta koboxuk ammunta,

Umman Qagaagagita Qabaarat Kosittaamih dudda leeh Isi duddah tan Qafar Afrikah Gaysal elle ginnimta Cogdaadi

Qafar Marok Kulli 2 Sanatal yakkeh yan Kobox asanatah 2016 ih Beljiikak Buruksel magaalal Waysuk 2-04 /2016 ih gexsitele. Baad caddol baxa'a baxsa le Qafar xissoosa luk gacak hadaf aracat haanama.

Barte maraay, meqem abittoh eglaaliy, doolatitteh awlaytit kee Qafaràk siyaasa cizbitteey, Afa baaxol sigmah geytimta Qafar inkih afrikah gaysal siddica baaxol Qafar ummatta yaafeh yan taqabik calli gorrisnuh. Qafar ummatta elle tanih tan sidiica baaxol, Yabutiyy, Eretriya kee Itiyopiyal inkih hunun baaxo xaylo (yookomi) Kinni.



Tanay takkay ikkah umman qagaagita qabaarat kaxxaam biyaakitta ummattah yanin.

Baxsa luk taturteh tan 5 sanootah addat El Nigno Deqsita silayti milaagi

katayseh yan robti dagna dacarsittoh ummattal katasseh tan qulul kee qabar kaxxaam gibdi.

Inki inki waqdi sehdayti rooci edde eweqa iyya taqabi kataysaah, tah kaaduk maaqiddi Caabinni ane waam kee fooca fanah kaxxa cunxxe le taqabi kinnim tambulle.

Asanat Qafar Maroh koboxuk hadaf, Silayti milaagi katayseh yan taqabi rigidiik

fokaaqanamaay, Ardi madqooqiiy, gaddi gabat assagolla kee ataqabik sissikuk

yawqoonuh duddi gablusiyyaay, fooca fanah qidaddooy sittalluk alliyaa kee

madqooqi yabutiyy, eretriya kee Itiyopiyal Qafar ummattal bahtu wayta taqabik

kalalitoonuh Qafar tu taxagooy, meqem abittoh eglaali kee ganuun tu taaxagu

fidinuk edde walalak Qafar ummattah taqabik calli gorrisaanama.

Qafar maro siyaak iroh tan egla kinnuk 1991 ik qimbbissi haanam Qafar tu

taaxago Inki aracal gaaboysak Qafaral takkeh tan umaneey, taqabi kee faxximtaamat yaabissa

-egla kinni.

Qafar maro salamaay, meqe xinnissooy, dimokraasi kee adama baxon cakki daabimuhuuy biso maxco tamaatuh tangiicille egla kinni.

Waraakit Xayyoosam Faxa Marak

Qafar Maro sidiica baaxol geytimta tan Qafar caagid wagsisaak, tama koboxul Xayyoosam waraakit leh tan tu taaxago kee fayxi leh tan eglaalik massakaxxa luk sin arcibissuh gulguluh geytimta.

Xayyoosanaah tanin waraakit 30 minit yakkem faxximtaah, Ingiliizih af ekkiiy, Faransaawih af akki yakkem faxximta.

Tama waraakit Ximoli (August) Alsak 6 fan neh rubtaanam faxximta.

Waraakit neh ruubam faxa mark elle neh rubtaanam duddaanam

afar_forum@yahoo.com Gabah assagolla nelluk haysitettoonumul kibal linooh tamaateenimil massakaxxa luk sin arcibisna.

Taama Selta Makaado

AFAR FORUM, P.O. Box 2119, Seeheim-Jugendheim, Germany
Bank lowti, AF e.V Commerzbank, Stuttgart, Acct Nr. 5511084, Bank Routing Nr. 600 400 71
SWIFT: COBADEFFXXX
IBAN: DE 29 6004 0071 0551 1084 00
Commerzbank, Stuttgart, Germany
e-mail address: afar_forum@yahoo.com Website: www.afarforum.

Sanat 1993-2016 fan Yabuutil doolat Qaskar Qafar Sayyot Abta Caylisso kee tah soltuh takke Giclo !



Qaalam Caddol say marat takke caylissoh baxsa le hanggi cayuk caylisso abah yan mari faxximta digaala akah geyanna kee Caylisaanah yanin sayyoh faxximta maruuso akah tamcawannah abakaay, tah dubuk hinnammay, sayyo caylissok elle kalalitaanam duudan baritto keenih cayuk Baxsa luk dadalte baaxooxal sayyo caylisso Kaxxaam gibdi baatil akah takkennah aben.

Sayyot takke caylisso baxsa luk afrikah gaysal sigmah tan tan Qafar Sayyot, Sidiica baaxol inkih caylissok ken dacrissam faxxiimak ten doolat qaskarih gitaak fula luk takkem baxa'a baxsale oytitte tascasse.

Qafar barrittel madabah gactah tan doolat qaskar qafar sayyot abta caylisso Eretriyaay, Itiyopiya kee Yabuutil inkih takkem takkay immay farngi loowol sanat 1993 uuk xabba haanam yabuutil doolat qandde qafar sayyot abtah tan caylisso, tibba elle iyyaanam akke waytam kee tah manggo gital giclo akah gibbateeniih, doolatal wayto akak xayyoyseenim takkay immay, Calli akak geytime weem tambulle. Naamok gexeh yan lamma alsah afa baaxol geytmah tan qafar sayyo



axcih, Faransa kee Beljiikal geytmah tan qafar sayyo maaqo cina abak qafar sayyot takke caylisso soltay ! Qaalam neh yabbay, Axcuk geytiman.

Afa baxoxal ayti geyak geytimtam takkay immay, taham fan abeenih yanin gexsitiil qaalam caddol yabuutil doolat ta ceele waytoh esseraanamih uguugut uxih akke weem tambulle.

Yabuutil qafar sayyot takke caylisso Dirabboysah yan mara kee nummaysah yan mara 2 kabuk internetil abta anaakar akke waytek oyti taba'tabsih caddol (Mediah Caddol) Kaxxa hanggi gee weemih sabbat net celta.

Afa baaxol tan qafarih inkittiinoh dagna kee boola 2 hayto taqabi axcuk daffesnek dirab hinna !

Sayyot takke cayslissoh tangiicillem dubuh sayyo nakkalem fan, Sayyo qimbbisse angoyya sayyo aracat haynam qambballek, tahaak dagal boola maraqa.

AIC Tama sayyok Faransa kee beljiikal aben Faxe Waynan Qulul (Maaqo Cina) wagsisaak abne xaagul nanu tahat kah asnem qaalam nee yabbe gidaay, caylisso nek soltuh qaalamak adambaxi cakkih eglala kee wagtah yan xagar nelluk soola gidah edde culle iyyan.

Tah kaaduk, calli akak geytimmi iyyam fan masoolisna iyyan.

Maris alsak 25 uuk Faransal 10 takke Qafar sayyo abak sugte Faxe waynan Maaqo cina gaba kalteek lakal april alsak 25 /2016 uh Bljiik Sayyo buruksel mandaral faxe waynan maaqo cina qimbbisseh tanim kee ta sayyo kaaduk calli geytime kal cabe woonu waanam kinni yaysixxigeenim.

Yabuutih Ummuunol Sant 1993-2016 fan 246 iik daga takke Qafar Sayyo Cayliseenim kinni warsaanam.

Tama sayyo afa baaxol abtah tan giclok miraacah tan gifta Qeysha daabale elle intannal dubuh faxe waynan maaqo cina hinnay baxaa baxsa le gicloola akah abak geytimaanam kee Caylisso edde tekkeh rabte sayyo kee sharaf kak xaggiime sayyo isi cakki geytuh ken migaaqitte kee ixxima (yakeenih gide) xayyosak Aftaala (Lawyer) akah yibbixeenih yaniinim kinni warissem.

Away beljiikak Buruksel il Abak geytiman Faxe waynan Maaqo Cina (Hunger Strike) beljiik caddol ayrok 29/04 /2016 it yemeete Gumqaatah beljiikak kaxxa malokti tama qafar sayyot gufne abte.

Kalah kaaduk Numtin amo caddo manggoh tan qafar kee Qafar akke waa mara ken gufak geytimanah, takkay ikkah afa baaxol tan Qafar inkittiinoh gambbit keenik elle gactam faxximtaamak manggom deedaltam cubbusne.

1 Media keenih gorrisak anay keenih yaysabbeenim faxximta Inta ximmol manggo mari sitta geyam takkay immay taham fan Qaalam caddol kattaatan kaxxa Oytih racenaani keenih mageytiminnam tambulle.

2, Qafar sayyo abtah tan giclok Afa baaxol tan Qafar inkih xaqtu tanim elle yaybulleenim duudan gititte bictam faxximtaah Ceelalloh Awropah Caddol soolo Takkem faxximtaah.

Afa baaxol tan Qafarak siyaasah Eglala kee adambaxi cakkih eglala tangayyem faxximta !

Faashini innaa Finqaay 'Aashalaay' ?



Sanat 2014 Qimmoh alsitte akkale, Inki Shek Masgiidil Qilmi neh Yece. Adabaanal edde yaaban Fashion kee Fashioni axcuk Xaamaanaah, Saritan Sara Wagsiisak Kas Takke Maxcooca nee kassiise. Usuk elle neh Warsennal "Ayroorak Ayrok Teena inki duubaleyti Sheekhil essero heeh, kaak iyyem, yi Sheekhow Gita genxa wak inti alifnek niksok meysitne, fakneh genxek ableh umam nable, toh qasunah gexxa sayyo, ableh umannal yanin. Yalli nel amrise koonaa wagtish salat abbasitnu masjid culna uddur kaadu, Qasunah tan labha masaagidil neh sugta, salat abnam neffereh, maca abeh meqeeh?" iyyeh kaa essere axcuk qimmise. Usuk masgiidil qasunah yan mara kak iyyam, Fashioni axcuk darrek qasunah sinni beyta duubale. Weenih hinna, wayto sahi mali. Sirwaal elle gacac ten aracal magacta, tohii taagah masgiidil rukuuq kee Sujuud aban uddur kaxxam ableh umannal raaqaanam nable. Tah iyyin qaadaay, mannal temeeteeh, mankek temeeteeh, macah temeeteeh inta esseroorak dudda le gacsa manaaxiga. Tama qaada ankek temeete inta essero wagitnek mariiy tu akak iyya, takkay immay hununuh taha yaanam maaxiga innih. Tanay takkay, meqe qaada hinnam teetik timixxigeek illacabol faxaanamah raqtam tanim makkala. Uma qaada kinnim mannal teetik tamixxige innih wagitnek kaadu ni diini kee qaadalluk magexxam neh tammulle. Ankek temeeteeh innih tama' bisle qaada mangih ayrô korma baaxooxal edde weelimaanam nable. Macah temeeteeh, innih essernek kaadu hununuh akah tet baxciseenim taha innam duude waynaamah, ninnah asmitekal ablinnaananim yassukuqe marak qaada kee qaadat axawah calti innah tan caagiida edde baysoonu takkem bictah. Wok dubuh hinnay meexiyâ kee Technooloojî baxac doori

digrem celta. Tet le mari faxem teetik abitu, neey kenluk walim akak angale sinni edde yaffoofeem mafaxxinta. Diinil wagitnek seehadayti baxak cundubuuy, gulubuk fan qawrat deqsita. Too arooca asture waynek salat nek biyaakitah yaanama. Adabaanal wagitnek aaxagih qanxisen saray darrek qawrat ninnik edde asture sinnino natkiyem tammulluye. Tamannah tan qaada muxxi akak nagroonu duudaanam meexiya. Meexiya inna wak irô baaxoh meexiya. Nanu kaadu, nublek illacabol, nelluk gexxam kee gexe sinnim ittak cede waynek lafetle qawwalayla. Meexiyak beete wee mari kaadu meexiyak beete marak beetan. Mangih tama namma gita akak tet nagraanam. Meexiyah ixigga le tutaaxago elle warissannal, Technology elle baxactaamal qaalam inki mandar akkeleemit yaaben. Awayî qasril wagitnek qaalam globalization taagah inki mandar(village) yekkem nable. Mannalaay innih qaalamak faxekkel tekkem akkih nabbeeh, nable. facebookuuy, whatsapp kee viber affaf le mari 24 saaqat walalak asan. Buxak addal kenluk yan marak muxxi woo marat angaarawuk asan.

hannewtime take yaanama. Baadal cokmih taysem kaadu caylah aysinnaan rasih qaada. Baadal meexiya kee technology gabat leeh, baad ummattah qaadal inkih Dumî qasril oytitte wonnal geytimak masuginna. Baxsaluk Qafarak neelekkel oyti Arhoo kee gita gexantuk qammaalak sugte. Adabaanal woh raqteh, oytitte muxxute mihratleela elle warissannal technology baxacak elle baxactaamal baad inki mandar "globalized world" yekkeek illacabol "global culture" axcih baad ummatta inki qaadah gaceleemit yaaban.

Baadal inkih edde gacoonu waanam kinni qaada maay taaxigen? Baadal inkih edde gacaanam baadal caylah inkih lafitinnaan qaada axcih cokmi le qaada (dominant culture). waytek wayto mali. Tamah tamanna anuk, too bisluk meexiyâ Toh yaanam gersi qaadoodi inkih duugumek/ anxumuumeek tackumu waytam Ameerikah qaada kinnim esser mali. Tutaaxago elle warissannal, baad caddol mango liggiditteh taamal tan meqe qaadoodi, baad inkih maaddaah, is fanah sinam korissa qaada temeetek bayeleemih meysi tan. Meysi sugteeh, awak abinal nable. Inki ummattak qaada baytek, woo ummattak aniina bayteh, aniina baytek kaadu woo ummatta matani yaanama. Saqat bedu akah haanam elle yaaxagoonu, bayte reyta bedul yaaxigen. Bedu sinni reyta kaadu tet loowittam matanaay, is loowittam matana, is fanat finqitta. Qaada akak bayte ummatta too bisle. Dumî dabaanal waytô sababah saro qanxix akak le mari dammiyo "cixxa" abak yenen. Akke waytek sarok booha keenik tammulleemik saro bagul haak yenen, toh cayaa kee wacariiy ten saaku. Yallih Farmoyti salat kee nagayna kaal tanay caya wagsiisak iyyem "Caya Iimaan Fallakkookik Fallakkak teena". Adabaanal wagitnek, 100—150 Doolaarah qanxixe sara xaamaanam temeete. "Suncaana Mugayyir Al-Acwaal". Nanu Qafar kinnuk, 100% Islaaminnâ diini kataya mara kinnino. Tohii taagah ni qaadak dumal ni diini aweelot gacaanam mayasmaca. Diini kee Qaada diggi haynay. Tama nammay digga haynek taamu waytam matana. Faashini axcuk qanxixe sara yatkiyeenim kee darrê qawrat irol beyaanam fashion hinnay Finqa axcih Fashalak ninni Catnay. **Gadda eya**